

Zeitschrift: Le nouveau conteur vaudois et romand
Band: 86 (1959)
Heft: 4

Artikel: L'Amicale di patoisan de Friboua
Autor: Bongard, Marie
DOI: <https://doi.org/10.5169/seals-231320>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 13.01.2026

ETH-Bibliothek Zürich, E-Periodica, <https://www.e-periodica.ch>



L'Amicale di Patoisan de Friboua

Mogrâ ouna grocha nyola, dè tôte pâ no vèyin arouva di dzin ke chon ti kontin dè chè rètrovâ inthimblyo din la granta châla dou Kafé de la Pé. Vê vouét' ârè è demi on kou dè chenayêta anonhyè ke la vèlya dè dzouyo va keminyi. Adi kemin d'ékothema Moncheu le préjidan chalùè to chi galé mondo è rêmârkyè tsakon in dejin chon kontintémin dè vèr ke ne châbrè pâ mé na plyèthe dè libra. Apri le tsan de Pê lè j'intsan le préjidan bayè la parola à Moncheu Henri Clément ke no di chon dzouyo dè chè rètrova avui no.

I no inkorâdzè è dèmandè chuto i donè è dzounè filyè a vouârda le bi lingâdzò dou patè ke la rè cha plyèthe ou chela. Por le pri dè chè fran thinkanta y échpèrè trôva di novi j'abônâ ou *Konteu Reman*. Chin fathon y dèmandè ke l'Amicale prinyè a kâ d'organijâ on konkour koncherin le lâ è l'anyi. Inke l'yarè ouna rêmârka a fère ; ly'è ke no j'amèran chavê le réjulta dou dêri ke no j'an fê. Por chta vèlya no j'avan l'anâ d'our l'Inkoura Alphonse Menoud. La yuva d'on armalyi ou fon de la chala le betè in méjera d'adrèhyi chon méchâdzò dè félichitachyon a to chi mondo de la vela è di j'alintoa ke chè trâvon inke bin intrè-lâ por intrètinyi le

bi l'èretâdzò di j'anhyan. Teché le grahya chekrètéro Francis Brodard dè cha galéja vouè hyara no bayè chon protocole. To galéjamin y no rapèlè chin ke chè pachâ din la vèlya dè juin. Ly'è le toa a Dèni din bou ke chè krê adi ke chon kouètzou n'è pâ galé. Che no le konprinnyin pâ ache fachilamin, n'è pâ ouna réjon dè dre ke l'a pâ atan de merto tyè lè j'otro patè. Ouna brava dama de la Grevire l'avè dèmandâ ouna tsanthon à Nouthra Dona di hya, è lè Moncheu le préjidan ke no l'a tsantâye. Du chin Francis Brodâ no bayè le rèchi dè l'artze dè Noé.

D'our to chi galé tralala de léthètè ke dèvechan chè betâ a chôtha, y no j'a fê a rêmârkâ ke l'éléfan eh'éthê mimamin bin arindji avui lè morpyon. Inke tsakon chè betâ a rire pechke ha galéj'ichtouâre éthê bin kontâye.

Por tsandji, le comité l'avè organijâ on piti loto ke la fê plyéji. On konto éthê j'ou inkolyi por ha vèlya ke konchernâvè la tsanthon dou chagrin dè Madelène. Franthè Mouron d'Epindè éthê l'armalyi è chè bougramin bin akordâ avui la grahyaja Damejala Léa Kîlchöer ke le vinyète in dzakilyon du la Rotzetta ou fon dè Prareman. Chta dérire n'a tyè tyindz'an ma l'a bin dzuyè è tsanta. Bravo Léa ! L'avè bin tan korè por trovâ kokon por vinyi réchitâ chi konto, ke mè permèto dè lè rêmârhya in échpérin ke no no tétrâvérin on'otre yâdzò. Mogrâ ché vouétantè chat'an Moncheu Overney no j'a bin tsanta la bénichon ke no rapèlâvè hou dzoa dè fiha kan no vèyan arouva la parinta de la vela. Arouvè le momin di gouguenètè ke chon j'ou bin galéjè chti kou. Tsakon l'a chévu lè bon konchèye dè nouthron bravo préjidan ke no j'a fê a konprendre ke no dèvechan adi tatsi de réchpekta nouthron galé patè chuto din lè j'achinblyâyè. Pè la tsanthon dè Dzâtyè dè Courtion no j'an fê le firabe dè ha galéja vèlya dou 18 dè novembre.

Marie Bongard.